



## KETE MANARUA

### Tikanga ā-lwi 2024

**92080 Te whakaatu māramatanga ki ngā tikanga Māori e pā ana ki te pupuri me te tuku mātauranga**


NGĀ WHIWHINGA: 4

**92081 Te whakaatu māramatanga ki ngā tirohanga kē ki tētahi o te wā**

NGĀ WHIWHINGA: 4

Ka tūwhera a 'MyNZQA' ki te tuku i te Kete Manarua hei te 1 o Oketopa.  
Ka kati a 'MyNZQA' hei te 30 o Oketopa, 2024.






*“Kāore i kotahi te whakahaere o ngā tikanga ā-iwi. He iwi anō me ōna tohunga me ōna tikanga me āna whakahaere. Hiki atu he iwi, pērā tonu. Nō reira, kia mau koe ki ōu ake.... Mā ō rātou uri e mau ō rātou nā kōrero. Engari kia mau koe ki ngā kōrero a ōu mātua, a ōu tūpuna. Ina ka tika, ka waiho mai ētahi mātauranga hei taonga mōu.”*

*(Te Whatahoro, 1865)*



# Ngā Ihirangi

He Kupu Whakataki	4
<b>Te Paerewa (92080)</b>	<b>6</b>
Tautuhinga	9
Tūmahi Aromatawai (92080)	14
Mahere Aromatawai	16
<b>Te Paerewa (92081)</b>	<b>18</b>
Tautuhinga	21
Tūmahi Aromatawai (92081)	24
Mahere Aromatawai	26
Kupu Taka	27



# Kete Manarua

## *Ka maka te pakapaka, ka ohu te karoro*

**Kete** - ko te kete i pū mai i te pā harakeke me tōna whakapapa.

**Manarua** – e rua ōna mana. Tuatahi, ko te mana o ngā taonga ka kohikohia me ngā mahi huhua ka whakatutukihia e te Ākonga. Tuarua, ko te mana o te Ākonga, ko tōna whānau, hapū, me tōna iwi hoki, ko tōna ake mana motuhake tonu.

## Te Motuhēhē o ngā mahi

E taea e ngā Ākonga te ako ngātahi, te mahi ngātahi rānei i ētahi atu tāngata hei kohikohi kōrero i ngā puna tautoko huhua. Heoi, me mātua mōhio nei te Pouako, nā ngā Ākonga anō ngā mahi i whakarite, i whakatakoto.

Hei akiaki tonu i te hāponotanga o ā rātou mahi katoa me whakamahi anō ngā Ākonga i ā rātou ake kupu, ka mutu, ka kaha hāpai i ngā tikanga tohutoro e whakamana anō ai te puna o te mātauranga.

Mā te mihi e whakaatu, e whakanui hoki i ngā tāngata me ngā puna awhina i puta ai ā rātou nā mahi. Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki te tangata | puna awhina;
- Ngā momo puna awhina, puna kōrero rānei:
  - » Kōrero ā-waha: he uiui kaumātua, pakeke, rangatira, mātanga rānei;
  - » Ngā pukapuka i whakaputa;
  - » Ngā pukapuka kāore i whakaputa;
  - » Wāhitau ipurangi.

## Te Tāpae i te Kete Manarua

Ko ngā tāpaenga Kete Manarua me mahi mā te pūnaha hou (kei te pae ipurangi matua o MyNZQA): [Tāpaetanga pūnaha hou NZQA](#).

E pai ana te tāpae mai i ngā taunakitanga hei kōnae matihiko, ahakoa kōnae oro, kōnae ataata rānei, hei PDF kē rānei, hei kōtuinga rānei o ngā mea e rua. Me he taunakitanga ā-pepa, me matawai, ka tuku ai hei PDF. Me whakakī anō hoki e te Kaiako te Pukauhi Kete Manarua mō ia kōpaki Kete Manarua ka tukua kia aromatawaia.

Mā ngā Ākonga anō ā rātou mahi e tukuatu i te tuatahi. Tēnā, matakihia te ataata, tikiake rānei i ngā tohutohu e whakaatu ana me pēhea te tuku atu i ngā tāpaenga Kete Manarua mā te pūnaha hou [[How-to Resource](#)].

Mēnā kei te hiahia āwhina ngā Ākonga ki te tuku atu i ngā tāpaenga Kete Manarua, tēnā, kōrero ki a rātou, ā, māu anō rātou e awahi, e tautoko.



*Māori Woven Artwork.* Photo credit: Rafael Ben-Ari. Adobe stock (#67581275).



# TIKANGA Ā-IWI

92080

Te whakaatu māramatanga ki ngā tikanga Māori e pā ana ki te pupuri me te tuku mātauranga

(Kaupae 1, Whiwhinga 4)

Kairangi	Kaiaka	Paetae
Ka tātari i ngā ariā matua e ārahi ana i te pupuri me te tuku mātauranga.	Ka whakaahua i ngā ariā matua e ārahi ana i te pupuri me te tuku mātauranga.	Ka tautohu i ngā ariā matua e ārahi ana i te pupuri me te tuku mātauranga.

## Paerewa Paetae

<b>Aronga</b>	Tikanga ā-lwi 1.3		
<b>Ingoa</b>	Te whakaatu māramatanga ki ngā tikanga Māori e pā ana ki te pupuri me te tuku mātauranga		
<b>Kaupae</b>	1	<b>Whiwhinga</b>	4
		<b>Aromatawai</b>	Ā-waho
<b>Marau akoranga</b>	Te Marautanga o Aotearoa		
<b>Kokonga akoranga</b>	Tikanga ā-lwi		
<b>Mana rēhita</b>	Kua rēhitatia	<b>Te rā i mana ai</b>	Hakihea 2023
<b>Te rā e arotakengia ai</b>	Hakihea 2028	<b>Te rā i puta ai</b>	Hakihea 2023

### Te Whāinga

Ko te whāinga o tēnei paerewa paetae he whakaatu māramatanga ki ngā ariā matua e ārahi ana i te pupuri me te tuku mātauranga.

### Paearu Paetae

<b>Paetae</b>	Hei tohu i te paetae: <ul style="list-style-type: none"> <li>Ka tautohu i ngā ariā matua e ārahi ana i te pupuri me te tuku mātauranga.</li> </ul>
<b>Kaiaka</b>	Hei tohu i te kaiaka: <ul style="list-style-type: none"> <li>Ka whakaahua i ngā ariā matua e ārahi ana i te pupuri me te tuku mātauranga.</li> </ul>
<b>Kairangi</b>	Hei tohu i te kairangi: <ul style="list-style-type: none"> <li>Ka tātari i ngā ariā matua e ārahi ana i te pupuri me te tuku mātauranga.</li> </ul>

### Kōrero Āpiti

- 1 I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Tikanga ā-lwi kei: <https://ncea.education.govt.nz>.

## Whāinga Paetae

### Tikanga ā-Iwi

6.1 Ko te mahi takitahi, ā-rōpū, ā-pūtahitanga rānei, ki te whakatairanga i te tōkeke pāpori me ngā motika tangata.

6.2 Ko te urutau me te rerekē haere o ngā ahurea, me ngā putanga iho o ēnei mō te porihanga.

### Hītori

6.1 Ko ngā pūtakeanga me ngā otinga o ngā tūāhua o mua i waihanga i te āhua noho a te iwi o Aotearoa.

6.2 He rerekē te titiro a te tangata ki ngā tūāhua o mua e whai tikanga ana ki Aotearoa.

2 E whai ake nei ngā whakamārama mō ngā paearu paetae:

*Ka tautohu i ngā ariā matua e ārahi ana i te pupuri me te tuku mātauranga:*

- Ka tautohu i:
  - ngā ariā matua
  - ngā tikanga, te kawa rānei, e pā ana ki aua ariā
  - ngā tukanga mahi tahi me te take e pēnā ai.

*Ka whakaahua i ngā ariā matua e ārahi ana i te pupuri me te tuku mātauranga:*

- Ka whakaahua i ngā hononga o:
  - ngā ariā matua
  - ngā tikanga, te kawa rānei, e pā ana ki aua ariā
  - ngā tukanga mahi tahi a tēnā whānau ki tēnā whānau, a tēnā hapū ki tēnā hapū me te take e pēnā ai.

*Ka tātari i ngā ariā matua e ārahi ana i te pupuri me te tuku mātauranga:*

- Ka tātari i ngā hononga me te whaitake o:
  - ngā ariā matua
  - ngā tikanga, te kawa rānei, e pā ana ki aua ariā
  - ngā tukanga mahi tahi a tēnā iwi ki tēnā iwi me te take e pēnā ai.

3 E whai ake nei ngā whakamārama mō ngā kupu me ngā kīanga whaitake matua o te paerewa nei:

<i>ngā ariā matua</i>	<p>Koia nei ētahi:</p> <ul style="list-style-type: none"> <li>• te wānanga kaupapa</li> <li>• te whakapapa</li> <li>• te haerenga mai o ngā waka i Hawaiki</li> <li>• te tārai waka</li> <li>• te tapu me te noa</li> <li>• te mana</li> <li>• te kōrero ā-waha: karanga, pepeha, mihi,</li> </ul>
-----------------------	--



	<p>whaikōrero, whakataukī/whakatauākī, waiata, tauparapara, mōteatea, pūrākau, pakiwaitara</p> <ul style="list-style-type: none"> <li>• ngā mahi a Rēhia, a Tānerore: mau rākau, poi</li> <li>• ngā mahi toi: whakairo, kōwhaiwhai, tukutuku, tā moko</li> <li>• ngā mahi a te whare pora: raranga, tāniko, mahi kākahu.</li> </ul>
<i>ngā tikanga</i>	Ko ngā tikanga me ngā ritenga kei te kawea e ngāi Māori i ia ra, i ia rā. Hei whakaata ēnei i ngā whakaaro tuku iho, ā, koia anō hei ārahi i ngā whanonga tika i roto i te ao Māori. Ka rerekē pea te āhua o ngā tikanga me ngā ritenga i tēnā rohe, i tēnā iwi rānei.
<i>te mātauranga</i>	Ko ngā mōhiotanga ki ngā tikanga, ngā kawenga o mua, ō rātou here me ō rātou tapu.
<i>te pupuri me te tuku mātauranga</i>	Ko te mahi tiaki i te mātauranga me te tuku i ērā mātauranga ki tēnā, ki tēnā o ngā iwi, ki ngā kawai whakaheke rānei kia ora rawa atu ai tērā mātauranga.
<i>te kawa</i>	Ko ngā tikanga pūmau, tapu hoki hei whakahaere i tētahi āhuatanga o te ao Māori.

- 4 Arā ngā Tikanga Aromatawai mō tēnei paerewa paetae, kei: <https://ncea.education.govt.nz>.

## Kōrero Whakakapinga

I whakakapingia ngā paerewa 91726-91732 e ngā paerewa 92077, 92079-92081.

## Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki 0233

# He Tautuhinga Aromatawai Ā-Waho 2024

**Te Paerewa Paetae**

92080

**Te Ingoa**

Te whakaatu māramatanga ki ngā tikanga Māori e pā ana ki te pupuri me te tuku mātauranga

**Te Marautanga**

Te Marautanga o Aotearoa

**Te Wahanga Akoā**

Tikanga ā-lwi

**Ngā Whiwhinga**

4

**Te Tukanga Aromatawai**

Kete Manarua

**Te Roanga o te Aromatawai**

1 o Oketopa - 30 o Oketopa 2024

## Kete Manarua

Ko te KETE i pū mai i te pā harakeke, he whakapapa tōna.

He MANA tōna, e rua ōna āhuetanga; Kātahi: Ko ngā taonga tuku iho ka kohikohia e te Ākonga. Ka rua: He whakapiki i te mana motuhake o te Ākonga, ōna hapū, ōna iwi hoki.

He tāpaetanga ā-matihiko te āhua o te KETE MANARUA ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau aha atu aha atu.

## Te Whakatakotoranga Aromatawai

Ko te whāinga o te tūmahi nei he aromatawai i ngā pūkenga rangahau o te Ākonga me tana tātari i tana kaupapa. Ko te mārakerake hoki o te kapo ake i tā te Ākonga e ngana ana ki te whakaatu i roto i ana rangahau. Kia arotahitia te hononga o ngā kaupapa o roto i te kōpaki putanga ako ki te whāinga ka whakatauria e te Ākonga me te Kaiako.

Rangahaua tētahi tikanga Māori, ka wetewete ai i ngā pānga o te pupuri me te tuku i ōna mātauranga ki tēnā iwi, ki tēnā iwi, ki ngā kawai whakaheke, ki te ao whānui hoki. Me tātari hoki ngā tirohanga o nehe, ā mohoā nei hei taunaki i tō rangahau. Tautohua, whakaahuatia, tātaritia hoki ngā ariā matua e whakaatu ana, e wetewete ana hoki i aua pānga.

Kotahi anake te tūmahi. Mā te Ākonga e whakakao ōna māramatanga me ngā pārongo mai i ngā tūhuratanga o tana rangahau ki tētahi kōpaki putanga ako. Me kite te kounga o te reo rangahau, te kounga o te kōrero me āna tātaritanga e eke ai te Ākonga.

Me whakaatu te Ākonga i te tukanga rangahau i ngā mahi katoa:

- ngā tikanga Māori me ngā tirohanga Māori huhua,
- ngā puna kōrero whānui me āna kupu whakamihi,
- ngā kohinga kōrero/tatauranga e kōtui ana i te whakaaro,
- te whakaponotanga o ngā whakaaro, pēnei i te taukumekume,
- te tūhonotanga o te kaupapa ki te Ākonga.

Ko ngā taunakitanga hei whakauru pea ki te Kōpaki Putanga Ako ko te:

- uiui - kaumātua, tāngata o te hāpori, Kaiako, mātanga, tohunga, (a wai atu rānei),
- kōrero tuku iho - pūrākau, niupepa, whakairo, tukutuku, mōteatea,
- whare pukapuka,
- Whare Pupuri Taonga,
- te ipurangi.

## He Kōrero Whakataki

Ngā Tohutohu:

- Ka whiriwhiri te Ākonga i tētahi kaupapa i te ao Māori hei whakaatu i tōna mārama ki ngā tikanga Māori e pā ana ki taua kaupapa.
- He reo ā-iwi te momo, ā, he kaupapa e kōrero ana mō tētahi tikanga, mō tētahi kaupapa rānei o te ao Māori.
- Kia 3-4 ngā kaupapa kōrero, kia kua e iti ake i te 300 kupu mō ia kiriata.
- Me hopu rānei te Ākonga i tōna reo kōrero.
- Me 3 mēneti te roa o ngā kōrero katoa.
- Mā te kaituhi e whakatau te horopaki, ā, mā te Kaiako e whakaemi, e whakakao hoki ngā kitenga a ngā Ākonga.



## Ngā Herenga Aromatawai

He mahi takitahi tēnei mahi nā te Ākonga; me te whakatakoto taunakitanga mō te aromatawai ā-waho. He Kete Manarua ā-matihiko anake.

Kia tutuki pai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kaua e noho tītaha, huripoki rānei);
- me tāmaua te kiriata ki te tītohunga ataata, ā, kua rāhuitia te tukuhanga noa i te honongaitua me tana kōtahi.

## Te Motuhēhē o ngā mahi o ngā Ākonga

Me pēhea e mōhiotia ai te motuhēhē o ngā mahi o ngā Ākonga? He tukanga, he taunakitanga e mōhiotia ai nā te Ākonga ake āna mahi aromatawai. Kia mataara ngā Ākonga, ngā Kaiako me te whānau o te kura hoki ki te motuhēhē o ngā mahi a ngā Ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā Ākonga.

Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki te tangata | puna awhina;

- Ngā momo puna awhina, puna kōrero rānei:
  - » Kōrero ā-waha: he uiui kaumātua, pakake, rangatira, mātanga rānei;
  - » Ngā pukapuka i whakaputa;
  - » Ngā pukapuka kāore i whakaputa;
  - » Wāhitau ipurangi.

He kōrero anō i ngā wāhitau ipurangi o te paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

## Te Tāpaetanga me te Hāponotanga

Ko ngā tāpaenga Kete Manarua me mahi mā te pūnaha hou (kei te pae ipurangi matua o MyNZQA): [Tāpaetanga pūnaha hou NZQA](#).

Kāore te Kete Manarua matihiko e whakahokia ki te Ākongā. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina ki te tuku atu i ngā tāpaenga Kete Manarua:

- Īmēra mai ki [assessment.service.centre@nzqa.govt.nz](mailto:assessment.service.centre@nzqa.govt.nz),
- waea rānei i te NZQA Contact Centre mā te nama 0800 687 296.

# Tūmahi Aromatawai- I roto i te Ao Kapa Haka

## Te Ngohe

Ko tāu nā mahi he whakarite whakaaturanga hei whakamārama i o ake whakaaro e pā ana ki ētahi tikanga ā-iwi ki roto i te ao haka.

## Te Horopaki



Te Wharekura o Hoani Waititi Marae, 2016 ASB Polyfest.

He maha ngā tikanga Māori ki roto i te ao Kapa Haka. Hei tauira; ko ngā waiata tawhito, ngā momo moko, ngā kākahu, te tū ā-iwi me te mita o te reo. Ko tāu nā mahi, he whakarite i tētahi whakaaturanga e whakamārama ana i ngā hua pai, kino rānei o ēnei tikanga, ngā tuku ihotanga o te mātauranga me ngā ariā matua e pupuri ana i te mana me te mauri o ērā tikanga.

Māu anō ngā kōrero, e rangahau, e tautohu, e kohikohi, kātahi ka whakaputa tuhinga, kiriata rānei hei whakaatu i tō māramatanga ki te kaupapa i tātarihia e koe.

## Hei Mahi

1. Mā te Ākongā e whiriwhiri kia 3 ki te 4 ngā tauira o te ao haka mai i tōna anō rohe.

***Tauira: Kapa Haka, ngā whakangahau i runga marae, he pōhiri.***

2. Mā te Ākongā e āta rangahau i tētahi tikanga tuku iho mai i aua rōpū, me whai tohutoro e mārama ai te kaipānui nō hea ēnei kōrero.

***Tauira: ngā titonga tawhito, ngā momo moko, ngā horopaki o ngā titonga, ngā kākahu, ngā whakakai, whakaniko rānei.***

3. Mā te Ākongā e tūhonohono ngā kōrero tuku iho me ngā kōrero katoa i roto i tōna whakaaturanga hei whakaaweawe i ngā rerekētanga o aua tikanga.



4. Ka uiuitia, ka rangahauhia te tuku ihotanga o ngā mātauranga me ngā tikanga pupuri kōrero o tērā hapū, o tērā iwi, o tērā kapa.
5. Tāutuhia ngā tohu matua, ngā kupu, ngā whakaahua, ngā whakataukī rānei hei taunaki i ō whakaaro.
6. Ka oti i a koe tō rangahau, ka hanga i tētahi whakaaturanga, ki te tātari, ki te arotake i aua tikanga o te ao haka o tō rohe.

## Hei āwhina

Me whakaatu te ākongā i te tukanga rangahau i ngā mahi katoa:

- ngā tikanga Māori me ngā tirohanga Māori huhua,
- ngā puna kōrero whānui me āna kupu whakamihi,
- ngā kohinga kōrero/tatauranga e kōtui ana i te whakaaro,
- te whakaponotanga o ngā whakaaro, pēnei i te taukumekume,
- te tūhonotanga o te kaupapa ki te ākongā.

## Ngā Mahi hei Tāpae

Mā te Ākongā e whiriwhiri;

He tuhinga e 250-300 kupu te roa.

He kōrero 3 meneti te roa rānei.

Hei te **30 o Oketopa 2024** te rā aukati mō tēnei aromatawai.

### MĀTĀPUNA:

Te Wharekura o Hoani Waititi Marae - 2016 ASB Polyfest

*Growing confident, connected young leaders.* (n.d.). <https://www.tpk.govt.nz/mi/mo-te-puni-kokiri/our-stories-and-media/growing-confident-connected-young-leaders>. Photo credit: Cherrilee Fuller Taiao Photography.

# Mahere Aromatawai: Tikanga Ā-Iwi 92080

## 1.3 Te whakaatu māramatanga ki ngā tikanga Māori e pā ana ki te pupuri me te tuku mātauranga

Kairangi	Kaiaka	Paetae
Ka tātari i ngā ariā matua e ārahi ana i te pupuri me te tuku mātauranga.	Ka whakaahua i ngā ariā matua e ārahi ana i te pupuri me te tuku mātauranga.	Ka tautohu i ngā ariā matua e ārahi ana i te pupuri me te tuku mātauranga.

	Kairangi	Kaiaka	Paetae
<b>Kōpaki Puna Kōrero</b>	I whakamahia e ia ētahi rauemi kōrero hei taunaki i ngā uiui. Nāna anō i whakarite te pepa whakaae me ngā pātai mo ngā uiui. E 3, e 4 rānei ngā pātai matua. I tuhia te ngako o ngā kōrero mai i te uiui ki tētahi hukihuki.	I whakamahia e ia te ipurangi, ētahi pukapuka, he kiriata hoki hei taunaki i ngā uiui. Nāna anō i whakarite te pepa whakaae me ngā pātai mo ngā uiui. Ko tā ngā pātai he ruku ki te rētōtanga o te kaupapa. I kapo i a ia ngā kōrero mā te tuhi, mā te hopu reo rānei.	I whakamahia e ia te ipurangi, ētahi pukapuka, he kiriata hoki hei taunaki i ngā uiui. Nāna anō i whakarite i te pepa whakaae me ngā pātai mo ngā uiui. Ko tā ngā pātai he ruku ki te rētōtanga o te kaupapa. I tuhia katoatia ngā kōrero mai i ngā uiui ki tētahi mahere whakahoahoā, ā ka whakatauritehia.
<b>Ngā Tikanga Tukuiho</b>	Kotahi noa iho te tikanga i whakamāramahia. He tauira ōna o nāia, o nanahi hoki, ka āta whakatauritehia.	E 2-3 ngā tikanga ā iwi i āta tātarihia, ka whakamāramahia, ka whakatauritehia ki tō tētahi atu iwi. He tauira ōnamata, ka kōrerohia hoki te whakanake o te tikanga i ēnei rā.	Neke atu i te 3 ngā tikanga ā iwi i tātarihia, i whakamāramahia mai, ka mutu i whakatauritehia ki tō ētahi atu iwi. Ka tātarihia ngā tikanga ōnamata, me ngā pānga o te ao ki ngā tikanga o nāia nei, ka mutu ka whakatakotoria ōna whakapae mo te ānamata.
<b>Ngā Ariā Matua</b>	Ka kōrerohia ngā ariā matua e ārahi ana i te pupuri me te tuku o te mātauranga māori. Ka tautohua ngā hua pai, kino rānei i roto i ngā taureanga.	Ka tautohua, ka tātarihia ngā ariā matua e ārahi ana i te pupuri me te tuku o te mātauranga Māori. Ka tātarihia ngā hua pai, kino rānei i roto i ngā taureanga kua hori.	Ka tautohua, ka tātarihia ngā ariā matua e ārahi ana i te pupuri me te tuku o te mātauranga Māori. Ka whakatauritehia ngā hua pai, kino rānei i roto i ngā taureanga.
<b>Kauhau / Tuhinga</b>	Ko te reo kia rere, he kīwaha, he whakataukī ōna. E mārāma ana ki te kaipānui/kaiwhakarongo te nuinga. Kei reira te hanga o te whare kōrero.	Maringi ana te reo, ko ngā kīwaha me ngā whakataukī hei whakaniko, e mārāma ana ki te kaipānui/kaiwhakarongo te ngako. Nanahu ana te hanga o te whare kōrero.	Maringi waiwaiā ana te reo, ko ngā kīwaha me ngā whakataukī hei whakaniko, e mārāma ana ki te kaipānui/kaiwhakarongo. Nanahu ana te hanga o te whare kōrero, hāngai pū ki te kaupapa.



# TIKANGA Ā-IWI

92081

Te whakaatu māramatanga ki ngā tirohanga kē ki tētahi  
take o te wā

(Kaupae 1, Whiwhinga 4)

Kairangi	Kaiaka	Paetae
Ka tātari i ngā tirohanga kē ki tētahi take o te wā.	Ka whakaahua i ngā tirohanga kē ki tētahi take o te wā.	Ka tautohu i ngā tirohanga kē ki tētahi take o te wā.



## Paerewa Paetae

<b>Aronga</b>	Tikanga ā-lwi 1.4			
<b>Ingoa</b>	Te whakaatu māramatanga ki ngā tirohanga kē ki tētahi take o te wā			
<b>Kaupae</b>	1	<b>Whiwhinga</b>	4	<b>Aromatawai</b> Ā-waho
<b>Marau akoranga</b>	Te Marautanga o Aotearoa			
<b>Kokonga akoranga</b>	Tikanga ā-lwi			
<b>Mana rēhita</b>	Kua rēhitatia	<b>Te rā i mana ai</b>	Hakihea 2023	
<b>Te rā e arotakengia ai</b>	Hakihea 2028	<b>Te rā i puta ai</b>	Hakihea 2023	

### Te Whāinga

Ko te whāinga o tēnei paerewa paetae he whakaatu māramatanga ki ngā tirohanga kē ki tētahi take o te wā.

### Paearu Paetae

<b>Paetae</b>	Hei tohu i te paetae: <ul style="list-style-type: none"> <li>Ka tautohu i ngā tirohanga kē ki tētahi take o te wā.</li> </ul>
<b>Kaiaka</b>	Hei tohu i te kaiaka: <ul style="list-style-type: none"> <li>Ka whakaahua i ngā tirohanga kē ki tētahi take o te wā.</li> </ul>
<b>Kairangi</b>	Hei tohu i te kairangi: <ul style="list-style-type: none"> <li>Ka tātari i ngā tirohanga kē ki tētahi take o te wā.</li> </ul>

### Kōrero Āpiti

- I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Tikanga ā-lwi kei: <https://ncea.education.govt.nz>.

*Whāinga Paetae*

*Tikanga ā-Iwi*

6.1 Ko te mahi takitahi, ā-rōpū, ā-pūtahitanga rānei, ki te whakatairanga i te tōkeke pāpori me ngā motika tangata.

6.2 Ko te urutau me te rerekē haere o ngā ahurea, me ngā putanga iho o ēnei mō te porihanga.

*Hītori*

6.1 Ko ngā pūtakeanga me ngā otinga o ngā tūāhua o mua i waihanga i te āhua noho a te iwi o Aotearoa.

6.2 He rerekē te titiro a te tangata ki ngā tūāhua o mua e whai tikanga ana ki Aotearoa.

2 E whai ake nei ngā whakamārama mō ngā paearu paetae:

*Ka tautohu i ngā tirohanga kē ki tētahi take o te wā:*

- Ka tautohu i:
  - ngā tirohanga matua ki te take
  - ngā take i pērā ai tēnā tirohanga me tēnā
  - ngā mahinga i hua ake i aua tirohanga.

*Ka whakaahua i ngā tirohanga kē ki tētahi take o te wā:*

- Ka whakaahua i:
  - ngā tirohanga matua ki te take
  - ngā take i rerekē ai tēnā tirohanga me tēnā
  - ngā mahinga i hua ake i aua tirohanga.

*Ka tātari i ngā tirohanga kē ki tētahi take o te wā:*

- Ka tātari i:
  - ngā tirohanga matua ki te take
  - ngā mahinga i hua ake, i runga anō i te rerekē o ngā tirohanga a tēnā, me tēnā.

3 E whai ake nei ngā whakamārama mō ngā kupu me ngā kīanga whaitake matua o te paerewa nei:

<i>take o te wā</i>	<p>He take, he tūāhua ā-rohe, ā-motu, ā-ao whānui rānei e whai pānga ana ki tētahi rōpū. Hei tauira:</p> <ul style="list-style-type: none"> <li>• he tūāhua hītori, tōrangapū, pāpori, ohaoha, porihanga</li> <li>• he whanaketanga, he kōkiritanga ā-iwi.</li> </ul>
---------------------	---

<i>tirohanga</i>	Ko tā te tangata tirohanga, ōna waiaro, tōna whakapono rānei ki tētahi take, whakaaro rānei. Kei reira anō pea ngā take i pērā ai tana tirohanga, tae atu ki ngā mahinga, ētahi urupare rānei i puta ake.
<i>ngā mahinga i hua ake</i>	He mahi i ara ake i te tirohanga a tētahi tangata/rōpū ki tētahi take, tūāhua rānei. Ko ētahi momo mahinga: <ul style="list-style-type: none"> <li>• he tohetohe, he porotēhi, he porotū rānei</li> <li>• he tautohetohe, he pakanga rānei</li> <li>• he whakarerekē ture</li> <li>• te whakawehenga, te whakakotahitanga ā-iwi.</li> </ul>

- 4 Arā ngā Tikanga Aromatawai mō tēnei paerewa paetae, kei: <https://ncea.education.govt.nz>.

---

### Kōrero Whakakapinga

I whakakapingia ngā paerewa 91726-91732 e ngā paerewa 92077, 92079-92081.

---

### Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki 0233

---



# Tautuhinga Aromatawai Ā-Waho 2024

**Te Paerewa Paetae**

92081

**Te Ingoa**

Te whakaatu māramatanga ki ngā tirohanga kē ki tētahi take o te wā

**Te Marautanga**

Te Marautanga o Aotearoa

**Te Wahanga Akoā**

Tikanga ā-lwi

**Ngā Whiwhinga**

E 4

**Te Tukanga Aromatawai**

Kete Manarua

**Te Roanga o te Aromatawai**

1 o Oketopa - 30 o Oketopa 2024

## Kete Manarua

Ko te KETE i pū mai i te pā harakeke, ā, he whakapapa tōna. He MANA tōna, e RUA hoki ōna āhuatanga. Ko ngā taonga tuku iho ka kohikohia e te Ākongā, ka tahi. Ka rua, ko te whakapiki i te mana motuhake o te Ākongā, o ōna hapū, o ōna iwi hoki.

He tāpaetanga ā-matihiko te āhua o te Kete Manarua ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he whakaaturanga, he rātaka, he hopukanga kōrero, he pakipūmeka, he uiui, he kōrero tuku iho, he mahi toi, he kohinga whakaahua me ōna whakamārama, he mahi rangahau, he aha atu, he aha atu ngā momo tāpaetanga hei whakaatu māramatanga ki tētahi take taiao ki ngā tirohanga kē o te wā.

## Te Whāinga o te Aromatawai

Ko te whāinga o tēnei paerewa paetae he whakaatu māramatanga ki ngā tirohanga kē ki tētahi take o te wā. Tēnā, rangahaua tētahi take taiao hei whakaatu māramatanga ki ngā tirohanga kē o te wā.

Ko tā te tangata tirohanga e kōrerotia nei, ko ōna waiaro me tōna whakapono ki tētahi take taiao, ki tētahi whakaaro rānei. Kei reira anō pea ngā take i pērā ai tana tirohanga, tae atu ki ngā mahinga, ki ētahi urupare rānei i puta ake, i ngā mahinga hoki i hua ake.

Arā, he take, he tūāhua ā-rohe, ā-motu, ā-ao whānui rānei e whai pānga ana ki tētahi rōpū, he tūāhua hītori, tōrangapū, pāpori, ohaoha, porihanga, he whanaketanga, he kōkiritanga ā-iwi rānei, he tohetohē, he protēhi, he protū, he tautohetohē, he pakanga, he whakarerekē ture.

## Te Whakatakotoranga Aromatawai

Me whakarite te Ākonga i tētahi Kete Manarua. Ko tā te Ākonga mahi he whakarite i tētahi whakaaturanga ā-waha, ā-tuhi rānei e kitea ai tōna mārama ki ngā tirohanga rerekē ki tētahi take o te wā.

### Ka whai whakaaro te Ākonga ki:

- tētahi take taiao o te wā - arā, he tūāhua ā-rohe, ā-motu, ā-ao whānui rānei e whai pānga ana ki tētahi rōpū.
- tā te tangata titiro rerekē, te waiaro, te whakapono rānei ki tētahi take taiao, ki tētahi tūāhua rānei.
- tētahi āhukatanga i ara ake rā i te titiro a tētahi tangata/rōpū ki tētahi take taiao, ki tētahi tūāhua rānei.

Hopukina ngā hua hei taonga, hei takohatanga, hei whakaaturanga rānei. Mā te Ākonga ēnei e whakamahi hei hopu i ana taunakitanga:

- He oro .mp3
- He toi .jpeg, .jpg, .png
- He tuhinga .doc, .docx, .pdf
- He hangarau matihiko .ppt, .pptx
- He kiriata .mov, .mp4
- He Excel .xlsx

## Ngā Herenga Aromatawai

He mahi takitahi tēnei mahi nā te Ākonga; me te whakatakoto taunakitanga mō te aromatawai ā-waho. He Kete Manarua ā-matihiko anake.

Kia tutuki pai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kua e noho tītaha, huripoki rānei);
- me tāmāua te kiriata ki te tītohunga ataata, ā, kua rāhuitia te tukuhanga noa i te honongaitua me tana kōtahi.

## Te Motuhēhē o ngā mahi o ngā Ākonga

Me pēhea e mōhiotia ai te motuhēhē o ngā mahi o ngā Ākonga? He tukanga, he taunakitanga e mōhiotia ai nā te Ākonga ake āna mahi aromatawai. Kia mataara ngā Ākonga, ngā Kaiako me te whānau o te kura hoki ki te motuhēhē o ngā mahi a ngā Ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā Ākonga.

Hei taurira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki te tangata | puna awhina;
- Ngā momo puna awhina, puna kōrero rānei:
  - » Kōrero ā-waha: he uiui kaumātua, pakeke, rangatira, mātanga rānei;
  - » Ngā pukapuka i whakaputa;
  - » Ngā pukapuka kāore i whakaputa;
  - » Wāhitau ipurangi.

He kōrero anō i ngā wāhitau ipurangi o te paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

## Te Tāpaetanga me te Hāponotanga

Ko ngā tāpaenga Kete Manarua me mahi mā te pūnaha hou (kei te pae ipurangi matua o MyNZQA): [Tāpaetanga pūnaha hou NZQA](#).

Kāore te Kete Manarua matihiko e whakahokia ki te Ākonga. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina ki te tuku atu i ngā tāpaenga Kete Manarua:

- Īmēra mai ki [assessment.servicecentre@nzqa.govt.nz](mailto:assessment.servicecentre@nzqa.govt.nz),
- waea rānei i te NZQA Contact Centre mā te nama 0800 687 296.



# Tūmahi Aromatawai - Te Ngau Kino a Parawhenua mea



Te arawhiti o te awa o Waikari kua riro i te parawhenua mea 2023). Photo credit: Newshub

## Te Horopaki

E mōhiohia whānuitia ana e tātou ki te maha o ngā takerehāia kua pā mai ki Te Tai Rāwhiti. Kua pakaru ngā arawhiti, kua kowania te whenua, ā, kua tāoro hoki ngā kāinga i te parawhenua. Atu i te waipuke, ko tētahi āhuatanga matua i puta ake, ko ngā pāpātanga o ngā mahuetanga ki ngā mahi tapahi kōporo i ngā ngāhere ki Te Tai Rāwhiti.

## Hei Mahi

1. Kōwhiria tētahi takerehāia kua pā mai ki tētahi rohe, ki ētahi rohe rānei o Aotearoa. Tērā pea, kua pā mai tētahi takerehāia ki tō rohe.
2. Tautohua ngā āhuatanga matua o te takerehāia nei<sup>1</sup>.
3. Tātarihia ngā tirohanga matua ki te takerehāia, arā ki ngā mahinga i hua ake, i runga anō i te rerekē o ngā tirohanga a tēnā, me tēnā.
4. Tātarihia hoki ngā tūāhua ā-rohe, ā-motu, ā-ao whānui rānei e whai pānga ana ki tētahi rōpū, ki tētahi whānau, ki tētahi hapū, ki tētahi iwi rānei<sup>2</sup>.
5. Me whaiwhakaaro koe ki tā te tangata titiro rerekē, te waiaro, te whakapono rānei ki te takerehāia, ki te tūāhua rānei<sup>3</sup>.

6. Tēnā, whakaritehia tētahi whakaaturanga ā-waha, ā-tuhi rānei hei whakaatu māramatanga ki ngā tirohanga kē ki te takerehāia kua kōwhiria nei e koe.
7. Ka taea e koe te mahi takitahi, ā-rōpū, ā-pūtahitanga rānei, ki te rangahau kōrero me te whakarite mahi, engari me mātua takitahi te whakatakoto taunakitanga mō tēnei aromatawai ā-waho.

## Ngā mahi hei tāpae

- He whakaaturanga ā-waha (3 miniti te roa), ā-tuhi rānei (250-300 kupu te roa).
- Tāpirihia he taunakitanga, arā he pārongo whakairoiro, he kohinga whakaahua me ōna whakamārama, he hopukanga kōrero, he kiriata, he rauata, he tuhinga, he whakaaturanga, he rātaka, he pakipūmeka, he uiui, he kōrero tuku iho, he mahi toi, aha atu, aha atu.

Hei te **30 o Oketopa 2024** te rā aukati mō tēnei aromatawai.

<sup>1</sup> - Arā ko ngā parakino, ko ngā parahanga, ko ngā āhuatanga o te huarere (āra ko te huripari, ko te waipuke, ko te āwhā), ko ngā take mō te wai (ko te wai māori, ko te moana rānei), te whenua Māori, te mahi tahi a te Māori me te Karauna, me te āhuarangi hurihuri, aha atu, aha atu.

<sup>2</sup> - He tūāhua hītori, tōrangapū, pāpori, ohaoha, porihanga, he whanaketanga, he kōkiritanga ā-iwi rānei, he tohetohe, he porotēhi, he porotū, he tautohetohe, he pakanga, he whakarerekē ture, me te whakawehenga, te whakakotahitanga ā-iwi rānei hoki. Kei reira anō pea ngā take i pērā ai tana tirohanga, tae atu ki ngā mahinga, ētahi urupare rānei i puta ake, i ngā mahinga hoki i hua ake.

<sup>3</sup> - Ko tā te tangata tirohanga e kōrerotia nei, ko ōna waiaro me tōna whakapono, me ōna whakaaro ki te take.

### MĀTĀPUNA:

#### **Te arawhiti o te awa o Waikari kua riro i te parawhenua mea.**

Rutherford, Karen. (2023, May 13). *Big day for Hawke's Bay as new bridge opens between Wairoa and Napier following Cyclone Gabrielle*. Newshub. <https://www.newshub.co.nz/home/new-zealand/2023/05/big-day-for-hawke-s-bay-as-new-bridge-opens-between-wairoa-and-napier-following-cyclone-gabrielle.html>. (Photo Credit: Newshub.)

# Mahere Aromatawai: Tikanga Ā-Iwi 92081

## 1.4 Te whakaatu māramatanga ki ngā tirohanga kē ki tētahi take o te wā

Kairangi	Kaiaka	Paetae
Ka tātari i ngā tirohanga kē ki tētahi take o te wā.	Ka whakaahua i ngā tirohanga kē ki tētahi take o te wā.	Ka tautohu i ngā tirohanga kē ki tētahi take o te wā.

	Kairangi	Kaiaka	Paetae
<b>Te Rangahau</b>	<p>Kua toro atu te tauira ki tētehi puna kōrero e taea ai ia te whakautu:</p> <ul style="list-style-type: none"> <li>• He aha te pūrākau mō te takaro nei?</li> </ul>	<p>Kua toro atu te tauira ki tētehi puna kōrero e taea ai ia te whakautu:</p> <ul style="list-style-type: none"> <li>• He aha te pūrākau mō te takaro nei?</li> <li>• He aha te take i mate haere te takaro nei?</li> </ul>	<p>Kua toro atu te tauira ki tētehi puna kōrero e taea ai ia te whakautu:</p> <ul style="list-style-type: none"> <li>• He aha te pūrākau mō te takaro nei?</li> <li>• He aha te take i mate haere te takaro nei?</li> <li>• He aha ētehi taputapu i whakamahia e a tātou tupuna?</li> </ul>
<b>Ngā Tikanga Tukuiho</b>	Kua rangahaua e te tauira tētehi tikanga tawhito e hāngai ana ki te Ki o Rahi.	Kua āta rangahaua e te tauira tētehi tikanga tawhito e hāngai ana ki te Ki o Rahi me te tautohu i tōna pānga ki te taiao.	Kua āta rangahaua e te tauira tētehi tikanga tawhito e hāngai ana ki te Ki o Rahi me te whakamārama i tōna hononga ki te taiao.
<b>Ngā Ariā Matua</b>	Kua whakamārama te tauira i ngā tikanga tuapapa o te Ki o Rahi i ēnei rā.	Kua āta whakamārama te tauira i ngā tikanga whānui o te Ki o Rahi i ēnei rā.	Kua whakamārama te tauira i tētehi tikanga Ki o Rahi motuhake nō tōna iwi, rohe, hāpu, marae rāne
<b>Kauhau / Tuhinga</b>	E hāngai ana tāna i whakaatu kauhau/tuhinga rānei ki āna mahi rangahau, ā, kua whakautu i ngā pātai e hāngai ana.	E hāngai ana tāna i whakaatu kauhau/tuhinga rānei ki āna mahi rangahau, ā, kua wetewete i ngā pātai e hāngai ana, e mārama hoki ana te kaipānui/kaiwhakarongo ki te ngako.	E hāngai ana tāna i whakaatu kauhau/tuhinga rānei ki āna mahi rangahau, ā, kua whakamārama i ngā pātai e hāngai ana, e mārama hoki ana te kaipānui/kaiwhakarongo ki te ngako.

# Kupu Taka

<b>Kete Manarua</b>	Kohinga taunakitanga nā te ākongā.
<b>Pae pāhopori</b>	Ngā pae matihiko o ngā whatunga papori pēnei i a Paeāhua, TikTok rānei.
<b>Pātai matawhawhati</b>	Ngā pātai kua rere māori noa, kāore he whakamōhio tōmua.
<b>Pukauhi taunakitanga</b>	He whārangi whakarārangi me te whakatūturu i ngā taunakitanga.
<b>Tāpaetanga</b>	Te tuku i ngā mahi.
<b>Titonga tawhito</b>	Mōteatea, waiata tangi, apakura, manawawera, haka.
<b>Moko</b>	Mataora, Moko kauae, Pūhoro.
<b>Kākahu</b>	Pari, Piupiu, Maro, Tāniko, Tīpare, Korowai me ngā tohu toi Māori.
<b>Ngā horopaki</b>	Ngā kaupapa o ngā titonga.
<b>Parawhenua mea</b>	Te waipuke.